

տաճարների սրբատաշ քարէ որմների մնացորդները եւ հետաքրքրութիւնը սաստկանում է : Ապա Պալխարին միանում է Ութավի առուակը, որ գալիս, անցնում է համանուն գեղի մօտից : Ալթի-Պարմազ լեռներից իջնում է Աթթի առակը, դարձեալ հիւսիսից հարաւ Հինդկարիս վտակին զուգընթաց անցնում է Սուդասխելի (Սուրդաս) եւ ապա Հուդասխելի ձորերից, որտեղ միանում է Մարցիս լեռներից ուղիղ դէպի հարաւ իջած Կորակ առուակին : Կորակը ոռոգում է համանուն աւանը եւ մինչեւ Աթթի առուակին միանալը ընդունում է աջից Բոնիւսի լեռներից իջած Խելակ առուակները, որոնք Աթթի առուակին միանալով՝ իջնում են դէպի հարաւ : Կորակի ստորին ափերում, Պարխալ աւանից 2—3 կիլոմետր հեռաւորութեամբ գտնուում է Հուդասխելի աւանը, որը Պալխար եւ Բաիլ աւանների ճիշտ միջին մասն է բռնում եւ համարեա թէ այս երեքը միասին մի ընդարձակ այգեստանի Շահրիստանն են կազմում : Կորակ առուակին միանում է Բահլ առակը այգեստաններից շատ ցած . իսկ ինքը՝ Բահլը բղխում է Սանացրիս լեռներից, իջնում է հարաւ եւ միանում Կորակին : Բաիլի առի երկու կողմերը տարածւում է Բահլ աւանն ու այգեստանները, որոնք համարեա թէ միացած են, ինչպէս վերեւն ասացինք, Հուդասխել եւ Պալխար աւանների : Բահլ կամ Բալհի աւանի աւերակները